



KABINET DIREKTORA



88000 Mostar, Dubrovačka bb.
Tel. +387 36 445 670
Fax.+387 36 445 693
e-mail:ured.direktora@fzmio.io.ba
71000 Sarajevo, Ložionička broj 2.
Tel. +387 33 723 125
Fax.+387 33 723 200

BROJ: FZ3/8-04-7-277-2/21
Sarajevo, 24. marta 2021. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Sekretar
Hamdije Kreševljakovića 3,
71000 Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Priljeno: 31-03-2021

Org. jed.	Broj	Priloga	Vrijednost
05/2	- 02 -	85	21

P R E D M E T: Odgovor na delegatska pitanja, dostavlja se
Veza Vaš akt, broj: 05/2-02-85/21 od 04.03.2021. godine

Povodom Vašeg podneska, broj i datum iz veze, kojim tražite odgovore na delegatska pitanja, a vezano za provođenje pojedinih odredbi Zakona o penzijskom i invalidskom osiguranju (Sl. novine FBiH, broj: 13/18), ističemo slijedeće:

Pitanje broj 1.:

Član 46. tačka 3. Zakona o penzijskom i invalidskom osiguranju u FBiH od 01.03.2018. godine se navodi:

„Pod ukupnim iznosom plaća, odnosno osnovica osiguranja podrazumijeva se ukupan godišnji iznos plaća, osnovica osiguranja, novčanih i nenovčanih prihoda i naknada koje je osiguranik ostvario, na koje je obračunat i uplaćen doprinos.“

Da li se u praski ova tačka 3. člana 46. primjenjuje?

Odgovor:

Zakonom o doprinosima uređen je sistem obaveznih doprinosa, kao osnovnih instrumenata za finansiranje obaveznog penzijskog i invalidskog osiguranja, zdravstvenog osiguranja i osiguranja od nezaposlenosti.

Materija doprinosa u našem pravnom sistemu je u nadležnosti Federalnog ministarstva finansija, koje između ostalog, vrši upravne, stručne i druge poslove utvrđene zakonom koji se odnose na ostvarivanje nadležnosti Federacije BiH u oblasti finansija.

U tom smislu u Poreznoj upravi uspostavljen je Jedinostveni sistem registracije, kontrole i naplate doprinosa.

Podaci iz Jedinostvenog sistema koriste se u cilju ostvarivanja prava iz penzijskog i invalidskog osiguranja, zdravstvenog osiguranja i prava na osnovu osiguranja u slučaju nezaposlenosti, shodno članu 8. Zakona o jedinstvenom sistemu registracije, kontrole i naplate doprinosa ("Službene novine Federacije BiH", broj: 42/09, 109/12 i 86/15).

Odredbom člana 101. stav 2. Zakona je propisano da o pravima iz penzijskog i invalidskog osiguranja nosilac osiguranja rješava na osnovu podataka unesenih u matičnu evidenciju.

Obzirom na navedeno jasno je da se citirana odredba Zakona u praksi u potpunosti primjenjuje.

Pitanje broj: 2:

Član 27. Zakona:

„Osiguraniku iz člana 12. tač. c), d), e) i f) ovog zakona staž osiguranja računa se prema ostvarenoj ugovorenoj naknadi za koju je uplaćen doprinos.“

Da li se ovaj član Zakona odnosi na osiguranike koji su se vodili kao nezaposleni, ali su u tom periodu imali angažman kao osiguranik samostalne djelatnosti shodno čl. 12 tačka d) (član nadzornog odbora).

Odgovor:

Članom 12. Zakona je propisano da osiguranik samostalnih djelatnosti je: a) lice koje u skladu sa zakonom obavlja obrtničku djelatnost, odnosno obavlja privrednu djelatnost proizvodnjom, prometom i pružanjem usluga na tržištu, radi sticanja dobiti, b) lice koje u skladu sa posebnim propisima, samostalno u vidu zanimanja, obavlja profesionalnu djelatnost, c) član privrednog društva ili druge organizacije, koji za svoj rad prima ugovorenu naknadu (u daljnjem tekstu: ugovorena naknada), d) član organa upravljanja ili **organa nadzora**, koji za svoj rad prima ugovorenu naknadu, e) lice koje obavlja poslove na osnovu ugovora o djelu, autorskog ili drugog ugovora i za izvršeni posao ostvaruje ugovorenu naknadu, f) lice izabrano ili imenovano na javnu funkciju ako za obavljanje te funkcije ostvaruje naknadu, g) vrhunski sportisti, ako nisu osigurani po drugom osnovu.

Članom 27. Zakona je propisano da osiguraniku iz člana 12. tač. c), d), e) i f) ovog zakona staž osiguranja računa se prema ostvarenoj ugovorenoj naknadi za koju je uplaćen doprinos.

Da bi se ova odredba Zakona mogla primjeniti potrebno je izmjeniti Zakon o doprinosima. Izmjenom postojećeg poreskog zakonodavstva omogućila bi se primjena citirane odredbe od strane ovog Zavoda.

Pitanje broj: 3:

Da li se primjenjuje član 78. tačka 1. Zakona, da se vrijednost boda usklađuje 15. aprila svake godine, počev od 01.01.2019. godine, prema procentu porasta prosječne bruto plaće u Federaciji u prethodnoj godini.

Odgovor:

Odredbom člana 78. stav 1. Zakona je propisano da se vrijednost općeg boda iz člana 47. ovog zakona usklađuje 15. aprila svake godine, počev od 01.01.2019. godine, prema procentu porasta prosječne bruto plaće u Federaciji u prethodnoj godini.

Shodno citiranom članu Zakona opći bod je 14.04.2019. godine usklađen na iznos od 14.50 KM, odnosno 14.04.2020. godine na iznos od 15.15 KM.

Obzirom da se nisu ispunile pretpostavke iz člana 78. stav 2. Zakona, to se usklađivanje vrijednosti općeg boda izvršilo prema članu 78. stav 1., a ne prema članu 79. stav 1. Zakona.